

Raúl Castro partoprenas la pintkunsidon en Panamo.



La kuba prezidento Raúl Castro alvenis al Panamo por partopreni la 7-an pintkunsidon de la Amerikoj, tiel ke konkretiĝas la unua ĉeesto de la insulo en tiaj eventoj, kion oni taksas historia kaj simbola okazaĵo pri la epok-ĉanĝo travivata de la kontinento.

“Saluton de Kubo al la popolo kaj registaro de Panamo”, estis la unuaj paroloj de Raúl Castro en la flughaveno Panamá Pacífico, kie deko da ĵurnalistoj ariĝis por raporti la novaĵon.

Akceptis lin la vicministro pri eksteraj rilatoj Luis Hincapié; Roberto Zúñiga Brid, direktoro de ceremonioj de Panamo kaj la kuba ambasadoro Antonio Miguel Pardo Sánchez.

Laŭ la programo de la pintkunsido, en la malferma ceremonio parolos Ban Ki Moon, ĝenerala sekretario de UN; kaj José Miguel Insulza, ĝenerala sekretario de la Organizo de Amerikaj ŝtatoj (OEA).

Oni esperas ke la ĉefa sekretario de Vatikano, la kardinalo Pietro Parolin, legu salutmesaĝon de la Papo Francisko kaj fine, Juan Carlos Varela, prezidento de Panamo bonvenigu la delegitarojn.



Radio Habana Cuba